

Ny Valosoa sy hadihady

Fitondrana Rajoelina

Tokony ho efa fampandehan-draharaha sisa no ataony

E fa ho tapitra ny fe-potoana iasàn'ny filoha Andry Rajoelina sy ny fitondrany, izay andro sisa isaina raha toa ka hanao amboletra hilatsaka ho fidiana ho filohampirenena ny tenany. Tokony ho efa fampandehan-draharaha sisa no ataony, fa tsy tokony hisy hoe hanao izatsy na zaroa mbola hambaboana ny fon'ny vahoaka Malagasy efa trotraky ny adim-piaianana nandritra ny 5 taona nitondràny sy ny forongony. Eo ihany koa ny mbola fanendreny olom-panjakna ambony toy ny governora sy ny sefo distrika sasany nandritra ny filankevity ny ministra farany teo. Sa misy tetika hangalarana vato satria efa akaiky ny fifidianana? Ankoatra izay vao nampahafatarina ny vahoaka Malagasy, fa nanafatra saina 16 baoritra izay nandaniana ny volam-panjakana nampiasaina amin'ity lalaon'ny nosy ity. Eto Madagasikara ve tsy misy afaka anamboatra saina no dia afarany any ampita andaniana ny volambahoaka ? Ankehitriny natao alasafay ny fanamboarana lalana eto Antananarivo Renivohitra, mba tsy ho afabaraka eo anatrehan'ireo vahiny. Tsy takona afenina anefa izany satria mibaribary ohatra ny vay an-kandrina fa atao zara fa vita ireo lalana amboarina. Ny loto any amin'ny andalovan'ireo vahiny no esorina fa Ra-Malagasy any amin'ny toerana hafa mbola milona tan-

teraka ao anaty Fako. Ny vahiny izay anafenana mafy ny fahantrana sy ny tsy fahaiza-mitantana eo amin'ny mpitontra no mahatsapa fa mafy ny fahantrana misy eto Madagasikara. Ka na hanao fanatanjahantena aza no andehanana eto dia mahatsapa ny fahasahiranana ka lasa manolotra fanomezana ho an'ireo ankizy sahirana tezaina any amin'ny akany. Nahita ny mafy ny Malagasy nandritra ny fitondrana Rajoelina, satria rendrarendra tsy hihinanan-kanina no nisy teto ary werawera araka ny fitenin-jatovo. Aiza ve ka tranom-panjakana izay niasan'ny dadany tany Antsirabe no lasa natao Mozea, Mbola velona anie ny dadan'ny filoha Rajoelina sy ny tenany dia manana ny sata ahafahana manambara fa Mozea ve izany ? inona moa no tena zavabitany teto amin'ny firenena e? Ny amiralny Didier Ratsiraka izy tenany aza nitondra ny firenena sady miaramila tsy nanao izany. Hihomehezan'ny olona sisa ny filoha amin'iao andro sisa hipetrahany eo amin'ny fitondrana izao. Mbola vain'ao eo antampondohan'i Andry Rajoelina izao ny resaka Romy-gate sy ny maha vazaha azy, ka dia ho hitantsika eo ihany ny ho tohin, fa efa samsiandry izay hiafaran'ity fitondrana ity ny vahoaka Malagasy.

Helisoa

Razafitsiandraofa Brunnel

Tafapetraka ao amin'ny HCC ny dosie firotsahan-kofidiany

Tonga nanatitra ny antotan-taratasy na dosie ahafahana mirotsaka ho filohampirenena Malagasy, tetsy amin'ny fitsarana avo momban'ny lalam-panorenana (HCC), tetsy Ambohidahy omaly maraina ny solombavambahoaka Razafitsiandraofa Brunnel avy amin'ny antoko Apm (Antoko politika Madio), niaraka tamin'ireo vondrona mpanohana sy ireo Rayaman-dreny avy any amin'ny Distrikan'i Ikongo faritra Fitovinany. Nilaza Andriamatoa Razafitsiandraofa Brunnel, fa tsy maintsy mijoro ho fanavotam-pirenena ny olona tia tanindrazana rehefa hita fa tena latsaka an-katerena ny firenena Malagasy ary nanohy fanazavana ity farany, fa ny fanarenana an'i Madagasikara, mba ho lasa lohany eto amin'ny tany sy ny fanjakana no tanjona manomboka izao. Nanamafy izy, fa ny fitondrana an'i Madagasikara amir'ny fahaleovantena amir'ny lafiny rehetra no himasoana raha toa ka mahazo ny fahefana ity farany ary ny fiatehena ny fifidianana ireny ihany no lalana iray ahafahana manatratra ny fanambony tombontsoan'ny firenena. Nanambara ity solombavambahoaka voafidy avy any amin'ny Distrikan'i Ikongo ity, fa miombon-kevitra amin'ny Ffkm ity farany raha toa kany fifampiresahana sy ny fifampidinhana no lalana iray ahafahana mandamina ny fiarahamolina entina hanorenana ny firenena. Nilaza ity mpitarika ny antoko Apm ity, fa tsy tokony hitarina ny fampiharan-dalàna eto Madagasikara raha ny « Article 42 » voafarity ny Lalam-panorenana momban'ny zom-pirenena hafa no resahana ary tsy azo iadian-kevitra ny fialan'ny zom-pirenena Malagasy an'i Andry Rajoelina, satria olom-pirenena feno taona ka ngangataka zom-pirenena vahiny ity farany.

Franck Razakambelo



Ny kandidà Razafitsiandraofa Brunnel izay ireo mpiara-dia aminy, tetsy amin'ny HCC Ambohidahy omaly.

TONONKALO

Any ianao Ramaroanarana

Maro ihany ireo filoha fa saingy ianao no maro anarana, Ary na ny lisitra aza toa ahiana tsy hifarana.

Raha ny anaranao manokana dia toa miampy am-pandehanana, Indrindra indrindra tao ho ao satria akaiky fifidianana !

Rainilainga, Rainidedaka, no santionany amin'izany.

Tena anarana malaza sy manako eran-tany !

Saingy toa tsy « laza tsara » no fonosin'izy ireny,

Fa ny « laza ratsy » hatrany, ka ny moana mila hiteny !

Maro ihany ireo filoha fa saingy ianao no maro anarana, Sady toa mitombo hatrany sy tsy manam-pitsaharana.

Raha izay dia lasanao ny amboara maha tompondaka. (Tisy maharesy anao ireo filoha sy ireo mpanjaka !)

...Koa arahaba no atao ary arahaba no atolotra.

Taomy mba hampita izany an-tserasera ry bemolotra.

Fa raha hoe anaram-bosotra, raha izay io no hifanintsanana,

Tena montsanao ny hafa raha vao hisy fifidianana !

tompon'andraikitra t@ organisation? ny niandraikitra ny fandaminana teo ivelany sy tao anatin? ny niandraikitra ny gestion des foules? ny niandraikitra ny sécurité? Aza ahilika any @ hafa ny lesoka niseho sy tsy fahafehezana ny tranga toy ireny. Ny mpitontra no tompon'andraikitra tamin'ny fandamianana rehetra, noho izany izy ireo no tompon'andraikitra voalohany tsy afa-miala tamin'ireny faty olona maro ireny.

Tsiry Ratsimbaharimanga
Filohan'ny Tanora RMDM Analamanga

Taratasin'ny mpamaky

Fanehoan-kevitra ampitaina amin'ny gazety sy ho an'ny rehetra izao soratana manaraka izao : mbola tsy nisokakatra akory ny fanadihadiana momba ilay faty olona teny Mahamasina noho ny fifanosehana teo amin'ireo olona aman' arivony tsy tafiditra tamin'ny fan, okafana ny Jeux des Iles dia efa miteny sahadys ny sasany fa ny mpanohitra hono no tao ambadika. Izany no tena hoe "Affirmation gratuite". Rehefa misy tsy fahatomombanana sy lesoka ary tsy fahafehezana ilay tranga miseho dia miala andraikitra foana, ka ahilika any @ mpanohitra ny fahadi-soana. Fa angaha ny mpanohitra no



Ny kandidà Andry Rajoelina sy Siteny Randrianasoloniaiko.